



## **Scientia Sanctorum**

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

**Puente, Luis de la**

**Dilingæ, 1685**

De S. Ludovico, Galliaë Rege.

---

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

2. emicuit, amorisque sui notas Christus & characteres impressit. 2. Qui luctatur, exuitur vestimentis: ut generosus luctaretur Apostolus, vel ipsa pelle exutus est. 3. Serpens detracta pelle novas sumit vires: sic Bartholomæus propriam exuit, novam vitam deinceps ducturus. 4. Amor nudus adumbratur: Bartholomæus, ut suum erga Christum amorem apud omnes contestatum relinqueret, arcana cordis aperit detracta pelle. Igitur qui vult induere Christum, *Exuat veterem hominem, exhibeat- Rom. 12. que corpus suum hostiam viventem, sanctam, Deo placentem, &c.*

25. Aug. **DE SANCTO LUDOVICO**  
Galliæ Rege.

**PUNCTUM PRIMUM.**

Rex Dei  
servus.

**S**I servire Deo regnare est, duplici nomine Rex fuit S. Ludovicus; qui regnaturum se nunquam credidit nisi Deo serviret, & populos ad eidem serviendum omni ope induceret: qui magis gloriabatur Christiani nomine, quam regni: qui, cum licita omnia regiæ potestati viderentur, nihil sibi licere adversus Deum putavit; seque per totam vitam, ab omni peccato mortali, inter aulæ blandimenta servavit integrum. 1. Disce à Rege sanctissimo nihil esse hac in vita gloriosum, præterquam Deo servire: erubescere, quod toties erubueris Christianus videri: time justam Christi comminationem

nem, *Qui me erubuerit, hunc filius hominis erubescet.* 2. Admirare S. Ludovici inter tot caediendi pericula constantiam. 3. Si quando graviora peccata commiseris, malitiam ipse tuam & imbecillitatem accensa : non enim peccandi aut facultas aut impunitas major, aut occasiones frequentiores tibi fuerunt, quàm Regi. 4. Si aliquorum curam habes, provide diligenter ut Deum colant.

## PUNCTUM II.

**C**hristiano, etiam Regi crucem tollendam esse credidit. Hinc 1. Cùm facile immunes se putent cæteri Reges à jejunijs imperatis, ipse ad ea quæ imperantur, alia addebat singulis hebdomadis tria ; & die Veneris nihil ad victum adhibebat præter panem & gelidam. 2. Non tantum ministrabat pauperibus ad mensam ; sed & cum iisdem sæpe accumbens manducabat. 3. Ferratis flagellis corpus regium castigabat. 4. Cilicium quotidie induebat asperimum, &c. Quid ad hæc, delicate, qui ad ipsum mortificationis nomen aut horrescis, aut rides? Nobilior es, quam sanctus Ludovicus? innocentior, quam qui nullum unquam peccatum mortale commisit? delicatior, quam Rex inter aulæ delicias educatus?

## PUNCTUM III.

**C**ertavit adversus hostes Christi omnes. 1. Rex miles, resistendo tentationibus. 2. Blasphemi.

Kk 5

phēsti.

phemantes, gravissimis edictis. 3. Homines suspectæ fidei & hostes domesticos Ecclesiæ variis pænis. 4. Infideles & Saracenos. Quo in ultimo certaminis genere, mirare. 1. zelum sanctissimi Regis, qui bis regnum suum deserit, bis itet suscipit longissimum & periculosissimum, secumque cupias regni omnes abducit. Atque id non spe acquirendæ famæ, aut regni amplificandi, sed tantum augendæ divinæ gloriæ, & terræ sanctæ à Saracenis liberandæ. 2. Incomprehensibilia judicia Dei, qui sanctum Regem pro sui nominis gloria generosissimè certantem, captivum duci primū; tum peste affligi & mori inter barbaros finit. 3. Inviçtam S. Ludovici patientiam, qui affligentis se Dei judicia constantissimè adorat. Sit nomen tuum, Domine, benedictum in sæcula, inquebat moriens. Voluisti, ut regnum meum relinquerem, reliqui; ut bellum hoc susciperem adversus hostes tuos, suscepi: nunc deseruisse servum tuum videris; sis benedictus: passus es pro te militantem vinci; sis benedictus: captivus in carcerem coniectus sum; sis benedictus: nunc peste afflictus morior; sis in æternum benedictus. Cogita. 1. Quid agas pro Christo præ sancto illo Rege. 2. Quid patiaris. 3. Quomodo patiaris.

